

增修埤雅廣要

增修埤雅廣要卷第二十

品物門

羽族類

溪鷺

溪鷺五色尾有毛如船拖

音

小於鴨沈約郊居

賦所謂秋鷺寒鷺修鷺短鷺是也性食短狐在

山澤中無腹毒氣故淮賦云溪鷺尋邪而逐害

此鳥蓋溪中之勑邪逐害者故以名云鷺之步

綱鷺之畫印溪鷺之勑螺羸之祝皆物之有術

智者也陳昭裕建州圖經曰溪鷺鷺於水渚宿

先少若有勅令也亦其浮游雄者左雌者右羣
伍皆有式度

鵙

鵙伯勞也陳思王惡鳥論曰伯勞以五月鳴應
陰氣之動陽氣爲仁義陰氣爲殘賊伯勞賊害
之鳥也其聲鵙鵙故其音名云月令仲夏曰鵙
始鳴是也釋鳥云鵙鵙醜其飛也音宗言其飛
不能翱翔竦翅上下而已許慎說文以爲鵙歛
足也今鵙鵙醜飛亦皆歛足腹下詩曰七月鳴
鵙八月載績蓋倉庚知分鳴鵙知至故陽氣分

而倉庚鳴可蠶之候也陰氣至而鵙鳴可稼之
候也舊云鵙善制蛇鵙則蛇結類從曰鵙鳴在
上蛇盤不動鵙鳴在上謂反不行或曰金得伯
勞之血則昏鐵得鵙音雞之膏則瑩石得鵙隨
則化銀得雉糞則枯

梟

古夕切音澆

梟食母說文云不孝鳥也故曰至捕梟磔音之
字從鳥頭在木上古者天子以春解祠黃帝用
一梟破獍音說者以爲梟名食母破獍食父破
獍如羆者而虎眼一曰梟如虎豹而小始生還

食其母故曰梟獍黃帝欲絕其類使百司用之
故後世於歲始祓除凶災取以解祠黃帝漢使
東都送梟五月五日作羹以賜百官此遺象也
舊說梟性食母始能飛山錄曰烏反哺梟反噬
蓋逆順之習也聽

云鶴聲宜學仙雉

聲宜習武烏聲宜習

聲宜習卜筮鵲聲宜

習工巧梟聲宜習符咒釋鳥曰梟鳴土梟也西
方之書曰如土梟等附塊爲鬼名之曰土梟蓋
取諸此傳曰 凡可以令梟寂又曰梟避星名
鵲避歲子

鴉干嬌切音腰

鴉大如班鳩綠色所鳴其民有觸證俗云鴉禍
鳥也今謂之畫鳥蓋聲之誤也草木疏曰惡聲
之鳥也入人家凶賈誼所賦鵲鳥是也其肉甚
美可爲羹臠鶴音又可爲炙故莊子曰見卵而求
時夜見彈而求鴉炙也詩曰翩彼飛鴉集于泮
林食我桑毀一作黠懷我好音言鴉食桑黠則
變而美其色好其音以況德義能革小人之非
如此及其食梅則不足以革其容色變其聲音
故詩曰墓門有梅有鴉萃止以刺陳佗無良師

傳也北山錄曰黃鵬亦食桑黠而音美一曰鵬
似鵝則鵝又非鵬矣異物志曰鳥如小鷄體有
文色異俗謂之鵬不能遠飛行不出域賈公彥
曰鵬鵬二鳥夜爲惡鳴者也傳曰夏雀生鷄楚
鳩生鵝廣志曰鵝楚鳩所生如驢巨虛種類不
孳乳也玉堂問話云驢馬駒隨母行有在前者
有在母並者有隨後者此由生時爾月初生者
在前月半生者處中月末生者居後嘗驗問數
輩亦不謬爾始知含靈之類皆稟四時五行之
氣也今科斗月大盡先生前兩足小盡先生後

兩足

鵲鵲

音春令

釋鳥云鵲鵲雖渠蓋雀之屬飛則鳴行則搖大如鵲長脚尾腹下白頸下黑如連錢故杜陽人謂之連錢詩曰鵲鵲在原兄弟急難鵲鵲水鳥首尾相應和之至也今反在原則失其所矣故以取況兄弟急難其首尾相應如此義訓曰鵲鵲錢母其頸如錢文詩曰題彼鵲鵲載飛載鳴說者以爲鵲鵲不能自舍君子有取節爾其鳴自呼或曰首尾相應飛且鳴者故謂之雖渠渠

之言勤也物類相感志曰俗呼雪姑其色蒼白
似雪鳴則天當大雪極爲驗矣

桑扈

淮南子曰馬不食脂桑扈不啄粟非廉也桑扈
蓋一名而二種若曾有一兩曾參也釋鳥云桑扈
竊脂鴈鵠剖葦此桑扈之一種也桑扈竊脂棘
扈竊丹此桑扈之一種也蓋對剖葦言之則竊
脂者所謂青質觜助食肉好盜脂膏者是也對
竊丹者言之則竊脂者所謂素質其翅與領皆
鶯然而有文章者是也左傳曰九扈爲九農正

扈民無淫者也賈逵樊光以爲春扈趣民耕種
夏扈趣民耘耔秋扈趣民收歛冬扈趣民蓋藏
棘扈爲果驅鳥桑扈爲蠶驅雀行扈喈喈晝爲
民驅鳥宵扈嘖嘖夜爲農驅獸老扈鷦鷯則趣
民刈麥今起不得晏者也說者非之以爲入林
爲果驅鳥入室爲蠶驅雀晝驅鳥夜驅獸窮日
通宵常在田野非先王所以建官之意則亦以
誤矣蓋九扈農桑候鳥扈民無淫者也故先王
名官以主農桑之事取其意云爾非謂依此諸
扈使之動作也蓋如棘扈則主園事爾桑扈則

王蠶事爾驅鳥驅雀非所以爲難也然則所謂
交交桑扈率場啄粟者正以其性之竊脂者言
之也故以啄粟爲失其性交交桑扈有鶯其羽
者正以其色之竊脂者言之也故其序曰君臣
上下動無禮文焉蓋君子素以爲質而文之者
禮也釋獸曰虎竊毛謂之號貓鼬如小熊竊毛
而黃竊毛皆謂淺毛則夏扈竊玄言淺黑秋扈
竊藍言淺青冬扈竊黃言淺黃棘扈竊丹言淺
赤桑扈竊脂言淺白固其理也且爾雅主時言
之而小雅桑扈所取者有兩竊脂故爾雅亦兩

解也。猶之無羊云九十其牯良耜云殺時牯牡爾雅有黑唇牯又有牛七尺爲牯是也。

鷺雉

鷺似山雞而小冠背毛黃項上綠色鮮明胷腹洞赤西山經所謂赤鷺可以禦火者也。賦性悍戾憨害飛走如風之焱故潘兵云山鷺悍害焱迅已甚也。蓋其耿介甚於佗雉故周官三公服鷺冕與王后三翟之服異也。劉熙釋名云鷺冕鷺雉之慙惡者山雞也鷺慙也。性急慙不可生服必自殺故畫其形於衣以象人執耿介之節。

博物志曰山雞有美毛采自變其色終日映水
目眩則溺翟雉長尾雨雪降惜其尾棲樹杪不
敢下食往往餓死蓋文之溺物也如此然則士
之涉世不能忘已之美而至於以文滅質者亦
已惑矣羽物之色莫美於鷺以其美斃焉互物
之味莫美於鱉以其美斃焉是以物惡有其美
也禽經曰霜傳疆枝鳥以武生者少雪封枯原
鳥以文死者多

鵠

鴻鵠一舉千里故周官木路前樊鵠纓蓋取諸

此又曰韋路龍勒條纓龍勒猶此所謂鵠纓蓋
行天莫如龍行地莫如馬而廋人八尺以上爲
龍六尺以上爲馬馬以龍名其來尚矣司裘王
大射則共虎侯熊侯豹侯設其鵠設其鵠者棲
鵠於侯中以爲的者也若今所射紅心是也謂
之鵠者東名於鵠鴻鵠一舉千里射者難中是
以中之爲雋也梓人云張皮侯而棲鵠皮侯所
謂三侯是也先儒中鄭以爲其鵠還以虎熊豹
麋之皮爲之按鵠取名於鳥則或畫或刻或以
其毛爲之雖不可知然知其不以虎熊豹麋之

皮爲之明矣今鵠善步鳥善趨鷹善立禽經曰
鳥鳴啞啞鸞鳴嚙嚙鳳鳴喈喈凰鳴啾啾雉鳴
鷺鷥雞鳴咿咿鶯鳴嚶嚶鵲鳴喈喈鴨鳴呷呷
鵲鳴啾啾鵲鳴啾啾字說云鵲遠舉難中中之
則可以告故射侯棲鵲中則告勝焉

杜鵑

杜鵑一名子規苦啼啼血不止一名怨鳥夜啼
達旦血漬草木凡始鳴皆北嚮啼苦則倒縣於
樹說文所謂蜀王望帝化爲子嚮字與規同今謂之
子規是也至今寄巢生子百鳥爲哺其雛尚如

君臣云爾雅曰鵲周卽此鳥也臨海異物志曰
鵲一名杜鵑至三月鳴晝夜不止按楚辭曰
恐鵲鵲之先鳴兮使夫百草爲之不芳則杜鵑
似非鵲鵲服虔曰鵲鵲一名鵲此言是也蓋陰
氣至而鵲鳴故百草爲之芳歇或曰鵲鵲春分
鳴則衆芳生秋分鳴則衆芳歇所未詳也

雀

雀賦曰頭如顙蒜目如擘椒雀物之淫者鼠物
之貪竊者故詩言雀角鼠牙以譬彊暴西方之
書以爲淫人受果其報雀鵲鴛鴦雀固物之淫

者也。今鴿喜合凡鳥皆雄乘雌唯此鳥雌乘雄。
又雀四時有子鴿逐月有子。周蒙續雀豹古今
注曰九月雀入水不則多淫。洸酒善使人淫。洸
故一升曰爵。爵所以戒也。亦取其鳴節足所以
戒荒淫之飲。舟註以戒沈湎。音免爵以戒淫洸。其
義一也。先儒圖禮以爲爵漆赤中其下刻爲雀
形。蓋雀之制其上如斛下爲爵形。故漢律歷志
稱斛以爲其狀似爵。以縻爵祿也。爵散之爵出
於爵。燕饗之燕出於燕。一則以爲法。一則以爲
戒。先王之禁勸有在於是。故孔子欲學者之多。

識也或曰爵狀似斛不爲雀形按說文解爵曰
禮器也象爵之形中有鬯酒又持之也則爵爲
雀形明矣西方之書曰雀浴沙受卵師曠禽經
曰雀交不一雉交不再又曰雀以猜瞿今雀俛
而啄仰而四顧所謂瞿也說文以爲鷹隼音筍
之視誤矣太玄曰明珠彈肉雀或作費不當也言
所用者重所要者輕朝野僉載曰叱雀官倉猶
是向公故書之所貴者意也舊說鳥雀尾翠上
有肉高有穴者名脂餅音餅鳥雀每引觜取脂以
塗翅毛衣則悅澤雨露不能濡又云雀爭燕巢

銜艾置巢中燕不復顧也

鸚鵡

鸚鵡人舌能言青羽赤喙其狀如鴉鷦鷯賦所謂蒼鷹鷺而受緤世條也鸚鵡慧而入籠者也曲禮曰鸚鵡能言不離飛鳥猩猩能言不離走獸舊說衆鳥足趾前三後一其目下瞼音上唯鸚鵡四趾齊分兩瞼俱動如人目南方又有鸚鵡者里兒剔音其舌端教以語言甚慧禽經曰鸚鵡摩其背而瘖鸚鵡剪其舌而語是也或曰鶴以聲交而孕鵲以意交而孕鳩鵲以睛交

而孕鸛

音渠 鵒

音谷

以足交而孕舊說鸛鵒不踰濟

又穴居故春秋夏有鸛鵒來巢以異書也鳥似

鷦

公覓切

而有幘

音責

禽經曰冠鳥性勇帶鳥性仁

纓鳥性樂冠鳥若鷹是也帶鳥若練鵲是也纓

鳥若綬鳥是也綬鳥一名鵒

五的切

亦或謂之吐

綬咽下有囊如小綬五色彪炳吐有時風不吐

雨不吐有驚懼之虞亦不吐詩曰中唐有翬

有旨鵒言不戕賊之故中唐有翬不驚懼之故

邛有旨鵒也一名避株蓋行必遠草木慮觸其

喙亦曰真珠鷄體有真珠點文食之甚美詩謂

之旨以此或剖其喙不復有綬綵矣字說曰嬰不能言已而能言母從人而後能言

鵠

音保

郭璞曰鵠

音保

似鴈無後脂毛有豹文一名獨

豹遇鵠身能激糞禦之著其毛悉脫說文曰肉

尺戴

音

焦貢易林曰文山鴻豹肥臍多脂蓋

曰此也閩彥曰鵠無舌兔無脾蓋鵠無舌連蹄

性不木止詩曰蕭蕭鵠羽集于苞栩蕭蕭鵠翼

集于苞棘蕭蕭鵠行集于苞桑言鵠無舌性不

木止又其飛蕭蕭勞苦然其於苞栩苞棘苞桑

也尚得以其類集聚衆羽而成翼聚衆翼而成
行今君子無所於愬下從征役又不得養其父
母則搗之不如也說文曰丰音早相次不亂也相次也
從匕音比從十音石蓋搗性羣居如鴈自然而有行
列故從丰詩曰搗行以此故也段氏云搗鴨亦
齧音答回爵也

戴勝

勝鳥頭上冠角也

釋鳥云鵯

音通鵯

音近戴鵯

音王

郭璞曰鵯卽頭上勝

也今亦呼爲戴勝戴勝亦名戴鵯頭上有毛花
成勝故曰戴勝也通典曰上古衣毛帽皮後代

聖人見鳥獸冠角乃作冠纓而今比鳥頭上戴勝則又冠角之別也三月飛在桑間蓋蠶生之候月令所謂戴勝降于桑是也方言曰鳴鳩自關而東謂之戴勝似誤蓋鳴鳩布穀也按今男事典而布穀鳴女功興而戴勝鳴則鳴鳩與戴勝異雄之言非蔡邕月令云鳴鳩鵲鳩也鳩先是時鳴故稱鳴拂猶搏也陽氣所感故搏羽戴勝降于桑以勸民事也春秋傳曰鵲鳩氏司事也見鳩拂羽戴勝降桑則具筐筥詩云女執懿筐遵彼微行爰求柔桑

鵲

音聿

鵲一名述似燕紺

音甘去聲

色知天將雨之鳥也故

傳曰知天者冠述而莊子曰皮弁鵲冠以約其

外字從襍

音聿

襍述也鵲知天時而述之者也義

訓曰鵲紺燕知風則啼商羊一足雨則舞然則

鵲之爲鳥非獨知雨又能知風也蘇子所謂蚌

鵲相持者鵲曰今日不雨明日不雨必有死蚌

蚌曰今日不出明日不出必有死鵲兩謂開口

一本作雨非是異物志曰翠鳥先高作巢及生

子愛之恐墮稍下作巢子生毛羽復益愛之又

更下巢也亦自銜其毛羽日浴澄瀾洄淵之間
鮮鱗可愛或謂之翡翠名前爲翡名後爲翠舊
云雄赤曰翡雌青曰翠其小者謂之翠碧一名
魚虎一名魚師性善捕魚故曰魚師魚虎也荆
王以其羽毛飾被左氏傳所謂翠被豹舄是也
今花工亦取以爲婦人面飾俗說翡翠各據溪
曲以居以自藏匿猶雉之分畿雖雉不越分域
也素問曰青如翠羽者生黑如烏羽者生赤如
雞冠者生黃如蟹復者生白如豕膏者生此五
色之見生也

增附

鵬

經書未聞有言鵬者蓋自南華始焉其言曰北
溟有魚其名曰鯢鯢之大不知其幾千里也化
而爲鵬鵬之背不知其千里也怒而飛其翼若
垂天之雲是鳥也海運則將徙於南溟南溟者
天池也齊諧志曰鵬之徙於南溟也水擊三千
里搏扶搖而上九萬里又曰風之積也不厚則
其負大翼也無力九萬里風斯在下矣云云彼
崑崙層期國人拾得翅截其管作水桶

鸛鵒

鸛鵒似鵬而有憤色純黑金眼穴居一名寒臯
鵒鳥也鵒音可使言鸛亦作鵒其翔不踰濟昭
公二十五年書鸛鵒來巢志曾所無也晉司空
叔儻之在荆也有叅軍五月五日剪其舌教學
語司徒大會賓佐令效四座語無不絕似有鵒
鼻者語難學因納頭甕中遂語不異秘書少監
崔行功忽有鵒鵒啣魚袋鉤玦入其室不數日
加大夫或曰取其目精人乳研滴眼中能見雲
霄外物故硯之具斯眼者必取其圓活爲貴擬

諸此也

鸞斯辯

詩注鸞卑居也爾雅鸞斯鴨鵝錢氏曰詩云弁
彼鸞斯孔疏以爲此鳥曰鸞而云斯者語辭也
猶蓼彼蕭斯苑彼柳斯是也以劉孝標之博學
而類苑鳥部乃立鸞斯之目是不精也董道云
師曠禽經有鸞斯楊雄法言頻頻之黨甚於鸞
斯非以爲亂也今按斯乃語助禽經法言皆鸞
斯者猶詩序以螽爲螽斯皆是承誤耳况禽經
豈盡師曠作乎孫氏曰董氏信爾雅禽經以二

字爲名李迂仲信楊子以二字爲名不知詩人以斯爲語助者多矣不然此篇又有柳斯鹿斯亦將併以柳鹿名可乎

白鷗

鷗羽族之耿介者也形類雞白質黑章尾長四五尺體備冠距觜八純用最爲可翫亦有青有黑似雉尾長昔越王獻高帝白鷗黑鷗各一是也

鷗鷖

國語云鷗鷖海鳥也止於魯東門三日臧文仲

以爲神使國人祭之曾論所謂藏文仲不智者
三此其一也

鴿

說文鳩屬從鳥合聲禮庖人掌供六禽鴈鶉鷃
鳩鳩鴿舶之發海路者必養鴿舶沒雖數千里
亦能歸其家唐明皇呼爲飛奴

增修埤雅廣要卷第二

埤雅廣要

卷二

五

五

增修埤雅廣要卷第二十一

品物門

蟲族類

螳

音簡說蟬

莊子曰道在螻蟻螳有君臣之義故其字從豈亦或從義善鬪力舉等身鐵鬪輒酣戰不解有行列隊伍化書曰螻蟻之有君也一奉之宮與衆處之一粒之食與衆蓄之一罪無疑與衆戮之書曰王麻冕黼裳卿士邦君麻冕黼裳黼裳明王於此斷恩而蟻裳則言以申君臣之義也

詩曰鸛鳴于垤

音迭

垤蟻冢也蟻將雨則出而壅

土成峰鸛鳥見之長鳴而喜方言曰其場謂之

坻音底亦或謂之垤垤從土以螳之微而能爲垤

用其至故也今蟻取小蟲入穴輒環垤窒

音穴

蓋防其逸亦以窒雨易占所謂蟻封其穴大雨

將至是也一名蟻封傳曰蟻封盤馬孟子曰泰

山之於丘垤趙岐曰垤蟻封也今朔地蟻封其

高大有如冢者所謂蟻冢蓋出於此莊子曰於

蟻棄知於魚得計於羊棄意言慕人與使人慕

之皆不可爲也故至人之計在於物我兼忘其

藏也不厭深眇而已矣又曰堯非有人非見有
於人也故曰得時則蟻行失時則鵲起蟻行透
遲蠃子接續徐徐行也有序需而不速故君子之得時其
廉於進如此夏小正曰玄蚰賁玄蚰也者蟻也
方言曰梁益之間謂之玄蚰莊子曰鼈之冠山
蟻之戴粒其於逍遙一也此卽南華鵬鵠之義
言大小雖殊而理各至足豈容勝負於其間哉

蠅音營

蠅好交其前足有絞繩之象故繩之爲字從蠅
省準生於隼繩生於蠅其義一也亦好交其後

足搖翅自扇故爾雅曰蠅醜扇也段氏云蒼蠅
聲雄壯青蠅聲清聒其聲皆在翼又曰青蠅糞
尤能敗物雖玉猶不免所謂蠅糞點玉是也蓋
青蠅善亂色蒼蠅善亂聲故詩以青蠅刺讒而
雞鳴曰匪雞則鳴蒼蠅之聲也一章曰蒼蠅之
聲言耳聞疑而起也二章曰月出之光言目見
似而起也青蠅首赤如火背若負金蒼蠅又其
大者肥色正蒼今俗謂之麻蠅傳曰以冰致蠅
蠅逐臭者懷蛆縈利常喜煖而惡寒故遇冰輒
側翅遠引所謂夏蟲不可與語冰者也類從曰

蠅生於灰蓋蠅值水溺死以置灰中須臾卽活
淮南子以爲爛灰生蠅正謂此也張敞書曰蒼
蠅之飛不過十步託於騏驎之髮則致千里此
言附善之益有如此也

蠪蛸

音蕭梢

釋蟲云蠪蛸長踦

歌起二首

蕭梢長踦之貌因以名

云郭璞曰今小蜘蛛長股者俗呼喜子亦如蜘蛛
布網垂絲著人衣當有親客至荊州河內之
人謂之喜母陸子曰乾鵲噪而行人至蜘蛛集
而百事喜蓋謂是也詩曰蠪蛸在戶

蠋

音蜀

大蟲如指似蠶一名厄詩曰儵音條革金厄金取

其堅厄取其宇也又曰蝟音捐蝟者蠋烝在桑野

言蠋以絲自裹

音果包也

又久在桑野雖獨而已然

其自營也宇矣故詩以此託况序曰一章言其

宇也韓非子曰蠶似蛇蠶似蠋人見蛇則驚駭

見蠋則毛起然婦人拾蠶而漁者握蠶故利之

所在皆爲賁育莊子曰奔蜂不能化藿蠋以言

材之有大小故孟公綽爲趙魏老則優不可以

爲滕薛大夫管子曰夫龍欲小則化爲蠶蠋此

言龍化爲蠋而已然抱朴子以爲有蛇蠋化成之龍意者天下有自然之龍有蛇蠋化成之龍乎故曰或生而知之或學而知之及其成功一也

蜂

蜂有兩衙應朝其主之所在衆蜂爲之旋繞如衛誅罰徵令絕嚴有君臣之義化書曰蜂有君禮也其毒在尾垂穎如鋒故謂之蜂傳曰蜂蠆丑介切垂芒此之謂也詩曰莫予荇音兵蜂自求辛螫荇使也荇蜂使人爲辛螫之譬也言蜂善辛

螯音藏精育毒雖小不可不慎採取百芳釀蜜其房如脾今謂之蜜脾其王之所居疊積如臺語曰蜂臺蟻樓言蜂居如臺蟻居如樓也一名蠟蜂蠟生於蜜而天下之味莫甘於蜜莫淡於蠟蓋厚於此者必導於彼理之固然也西方之書曰味如嚼蠟舊說蜂之化蜜必取音匣音豬之水注之蠟房而後蜜成故謂之蠟者蜜之音蹠音也方言曰其大而蜜謂之壺蜂卽今黑蜂蓋亦釀蜜楚辭所謂赤蟻若象玄蜂若壺者也黃蜂亦其一種無蜜纖長其窠仰綴於屋銜漆以固

其帶陰陽在尾喜合末端有岐者牝銳者牡也

爾雅曰蠭醜蜚

蟻

未

蜚垂腹也一名萬其字象

形蓋蜂類衆多動以萬計故借爲萬億之萬舊
說數人以千數物以萬莊子所謂號物之數謂
之萬也抱朴子曰雞有專棲之雄雉有擅澤之
驕蟻有兼弱之智蜂有攻寡之計援理觀之人
之強弱相制衆寡相役何以異此是故齊與魏
閔紅去聲而莊周以爲戰於蝸角也束皙發蒙記
曰蠅生積灰蜂出蜘蛛自然論曰蜂無王而盡
死

螽 音終

螽斯蟲之不如忌一母百子者也故詩以爲子
孫衆多之况鵲巢言夫人德如鳴鳩能均養七
子而已是詩乃彌后妃之子孫衆多如此者蓋
大姒音似則百斯男文王之所以聖也文王之所
以聖者天道也召南則人道而已何足以與此
華封人曰祝聖人多男子堯曰辭多男子則多
懼華封人曰始也我與汝爲聖人耶今然君子
也螽斯一名春黍亦或謂之春箕草木疏云蝗
類青色長角長股股鳴者也或曰似蝗而小股

蜥蛇

上立日滕

騰蛇龍類也雄鳴於上風雌鳴於下風而風化能興雲霧而游其中慎子曰騰蛇游霧飛龍乘雲雲罷霧除與蚯蚓同失其所乘故也騰蛇能騰蟲之自勝者也荀子曰騰蛇無足而飛梧鼠五技而窮言梧鼠之技雖多不如騰蛇結於一也鬼谷子曰分威法伏熊寶意法騰蛇實意言致一也騰蛇一名神蛇亦曰靈蛇墨子曰靈龜近灼神蛇近暴傳曰靈蛇棄鱗神龍解角以言致人達士超世拔俗委蛻萬物之上抱朴子曰兔不牝牡騰蛇不交不可謂真今孔雀以影相

接而孕又雌見雄舞而有子皆物性自然也陰陽自然變化論曰螭蛇聽而有孕白鷺視而有胎

蛇

魚屬連行蛇屬紆

迂音

行詩曰委蛇蓋取諸此左

傳曰退食自公委蛇委蛇謂從者也衡而委蛇

陀宜二音

必折故序以言正直洪範三德一曰正直

中德也其行委蛇是以其德在剛柔之中太史曰大直若屈道固委蛇有是哉此之謂也舊說蛇盤常向壬地壬北方也周官曰龜蛇爲旐先

儒以爲龜蛇象其捍難避害龜甲者也而蛇擊
前則尾應擊後則首應自腰擊之則首尾俱應
有兵之象故龜蛇合體謂之玄武易曰一陰一
陽之謂道而玄朔者道之所在陰陽之理具焉
故物有玄龜繡蛇臟有左腎右命方有朔有北
器有準有繩其爲卦也名之曰習坎習猶重也
舊說牛以鼻聽蛇以眼聽語曰蛇聾虎聾聾鼻病也
其以此乎莊子曰蛇憐風風憐目目憐心其言
蓋展轉輕妙述異記曰凡珠有龍珠龍所吐也
蛇珠蛇所吐也語曰蛇珠千枚不如一玳音瑰瑰

歸言蛇珠賤也變化序曰鵠之爲猿蛇之爲鼈
一曰麋鹿易蹄蛇類易皮鼈類易殼稽聖賦曰
蛇曉方藥鳩善禁咒大石使起取蛇食之其禁
石時舉翅行前却如道士禹步則石起也按十
二子辰爲龍巳爲蛇巳六陽具不爲龍而爲蛇
者龍至此而亢故也宜爲蛇而已故曰亢之爲
言也知進而不知退知存而不知亡知得而不
知喪

虺
音悔

虺狀似蛇而小銘曰爲虺弗摧爲蛇禁何以此

故也正月之詩曰哀今之人胡爲虺蜴虺一名
蝮博三十首大如擘舊說蝮蛇怒時毒在頭尾
螫手則斷手螫足則斷足蛇之尤毒烈者也一
曰蝮與虺異虺如土色所在有之蝮蛇鼻反其
上有針錦文衆蛇之中此獨胎產生輒坼副母
腹亦有與地同色者段氏云凡禽獸必藏形匿
影同於物類是以蛇色逐地茅兔必赤鷹色隨
木字說曰蛇螫人也而亦逃人也是爲有它蝮
觸之則復其害人也人亦復焉舊云鳩食此類
鳥似鷹而紫黑喙長七八寸作銅色食蛇蛇入

口卽爛屎溺羞石石亦爲之爛其轉巨石作法亦如鵲鳥禹步然羽翮有毒以櫟疑作拂酒飲之殺人惟犀角可以解故有煬處必有犀也

蚺蛇

音髡

大蛇可食尾圓無鱗身有斑文如故暗錦纈難死似鼉行地常俯其首膽隨日轉上旬近頭中旬在心下旬近尾南人云俗取其膽以充藥材卽以線合其瘡縱之後遇捕者輒自見金瘡以明無膽亦其知也南越志曰蚺蛇牙有長五六寸者土人重之云辟邪利遠行也一云蚺蛇之

其牙屬牙
膽取而還生又云巴蛇吞象蚺蛇吞鹿

蚺蛆

爾雅曰蒺藜蚺蛆廣雅曰蚺蛆蜈蚣性能制蛇
卒見大蛇便緣而啖其腦莊子曰蚺蛆甘帶是
也今俗謂之百足曾連子曰百足之蟲三斷不
蹶則其所持者衆也故曰諸侯有爭臣五人雖
無道不失其國一名蚺音玄而方言曰馬蚺北
燕謂之蛆螺其大者謂之馬陸莊子曰夔音魁
獸也憐蚺蚺憐蛇言夔以少而羨多蚺以有而羨
無此非造極之言蓋蛇無足亦足夔一足亦足

蜺百足亦足豈容歆羨於其間哉一名商距莊
子曰使蚤負山商距馳河三教珠英曰蜈蚣見
蛇能以氣禁之蓋土勝水故螂蛆搏蛇舊說蟾
蜍食螂蛆螂蛆食蛇蛇食蟾蜍三物相值莫敢
先動是亦騎虎之義不得下也

螢

夜飛腹下有火故字從熒音省熒小火也月令
季夏曰腐草爲螢不言化者不復爲腐草也後
世屠者鑿於藜藿而市扇者常苦暍音傳曰螢
戴火而寒有是哉秋陰數雨熒火夜飛之時一

名挾火一名據火一名熠燿詩曰熠燿宵行今西北多螢大者如棗行而有光正曰宵行以此故也毛詩傳曰熠音耀燿音燿燿也燿螢火也先儒以爲老槐生火久血爲燿音耀燿音耀燿非螢火誤矣蓋燿者火之微名故此兩者通謂之燿爾雅曰螢火卽熠燿也古今注亦以爲螢食蚊蚋一名夜光一名宵燭一名燿然則燿亦螢火明矣崇有論曰鳥無胃而生螢無胃而育一說螢非熠燿熠燿行蟲爾今卑濕處有蟲如蠶蠋尾後載火行而有光俗謂之熠燿

蟋蟀

陰陽率萬物以出入至於蟋蟀同蟀帥之爲悉蟋

蟀能帥陰陽之悉者也似蝗而小善跳正累有

光澤如漆一名蜚音非一名促織語曰促織鳴懶

婦驚曹奢而苟唐儉以勤故詩一以蟀蟀一以

蟋蟀刺之詩曰蟋蟀在堂歲聿其莫蟋蟀在堂

九月之時也九月建戌於文禾千爲年步戌爲

歲蓋年取禾之一熟而歲騎兩稔故步戌至戌

謂之歲也一章曰職思其居言於行思其居也

二章曰職思其外言於內思其外也三章曰職

思其憂言於樂思其憂也詩序所謂憂深思遠
有堯之遺風者此也詩曰十月蟋蟀入我牀下
言蟋蟀微物也猶知隨時可以人而不如乎故
曰物有微而志信人有賤而言忠也傳曰蟋蟀
之蟲隨陰迎陽一名吟蛩秋初生得寒乃鳴詩
義問曰蟋蟀食蠅而化

蛄蜨

蛄蜨一名蜨娘爾雅所謂蛄蜨蜨娘是也衝波
傳曰蛄蜨無鼻而聞香黑甲翅在甲下五六月
之間經營穢場之下車走糞九一前挽之一後

推之若僕人轉車久之輒羽化如尸解仙去也
莊子曰蛄蜣之知在於轉丸夫以蜘蛛蛄蜣之
知而猶能布網轉丸則萬物付之自然各有能
矣此列莊之徒所以欲攬力的切工倕之指也
淮南子曰周鼎著倕使銜其指以明大巧之不
可爲正爲是爾枹朴子曰玄蟬絜飢不羨蜣螂
穢飽故回之簞瓢有以輕倚頓之富也古今注
曰一名弄丸

旱蝻

今謂之螻蛄亦跳亦飛飛不能遠青色爾雅曰

皇音螽蟊音草蟲負蟊蓋草蟲鳴阜螽躍而從之故阜螽曰蟊草蟲謂之負蟊也詩曰嘒嘒草蟲躍躍阜螽言大夫妻求而往疾於聽從如此杖杜之詩亦云者蓋言赫赫南仲薄伐西戎故從役之大夫婚姻得以及時如召南之世也夫豈特大夫而已蓋其下者歸亦以時得及婚姻祭祀耕蠶之事故曰春日遲遲卉木萋萋倉庚喈喈采繁祁祁赫赫南仲玁狁于夷也一曰蚯蚓卽負螽也亦以離應草蟲鳴于上風負螽鳴於下風而風化博物志云蜾蠃亦取阜螽子咒

而成巳子

蟻

音費資

爾雅曰蟻

音費資

蟻

音費資

蟻

音費資

蟻

蟻一名蜚本草亦曰一名蟻蟻舊說蟻蟻

生於木中內外潔白符子所謂石生金木生蜚

是也蟻蟻在糞草中外黃內黑亦或謂之蟻蟻

列子所謂鳥足之根爲蟻蟻是也蟻蟻大者如

足大指以背行乃駛於脚造化權輿云蛇豸

切腹竄蟻蟻背行今俗謂之蟻蟻方言曰蟻蟻

謂之蟻自關而東謂之蟻蟻舊云蟻蟻化爲復

育復育轉而爲蟬蓋蟬之去復育龜之解甲蛇之脫皮可謂尸解矣三教珠英曰蒿成蟻蟮

蛾

繭生蛾蛾生卵博物志曰食桑者有緒而蛾蛾類皆先孕而後交蓋蛹音勇者蠶之所化蠶者蛹之所化荀子曰蛹以爲母蠶以爲父是也蛹一名蠅蚤一名羅孫炎爾雅正義以爲蠅會龜二音卽是雄蛹卽是雌羅卽是雄蚤卽是雌蚤似黃蝶而小其眉勾曲如畫故詩以譬莊姜碩人曰螓音泰首蛾眉今一種善拂燈火夜飛謂之飛蚤一

名慕光符子曰不安其昧而樂其明是猶文豸
去暗赴燈而死亦其類也與麀音燕鼠而爲牝
牡麀一名過街言逢申日則過街殆與鵠即鵠
忌庚申燕避戊巳無異周人設官覆天鳥之巢
以方書十日之號十有二辰之號十有二月之
號十有二歲之號二十有八星之號縣其巢上
則去之言天鳥見此五者而去良有以也變化
論曰蝙蝠夜值庚申乃伏

蠶

音蠶

爾雅曰國貉蟲蠶郭璞云今呼蠶蟲爲蠶廣雅

曰土蛹蠶蟲也蠶蓋蟲之知聲者也字從蠶省
或曰蠶善令人不迷故從蠶也類從云帶蠶醒
迷遶祠解惑是也說文曰司馬說蠶從向舊說
蠶於蠶身乳子既繭化而成蛆俗呼蠶子入土
爲蠶韓詩外傳曰齒如編蠶非此所謂蠶蟲也

蝶

蛺蝶粉翅有鬚一名胡蝶列子曰烏足之根爲
蛺螬其葉爲蝴蝶胡蝶胥也嘗見園蔬其葉有
爲蝶者三分二已蝶矣其一尚葉也千寶云稻
成蜚麥成蛺蝶豈虛語哉續古今注曰龜鼈之

類無雄蜂蝶之類無雌一說蜂蝶醜皆以鬚嗅
鬚蓋其鼻也杜甫詩曰花蘂上蜂鬚以此今絡
緯當音蟻音之類亦以其鬚當鼻爾

莎雞

小蟲黑身赤首一名莎雞一名樗雞一名天雞

爾雅曰翰

音汗

天雞蓋其鳴以時故有雞之號詩

曰六月莎雞振羽言於是時莎雞羽成而振迅

之也爾雅曰螽醜奮草木疏云如蝗斑色毛翅

數重其翅正赤六月中飛而振羽索索作聲幽

州人謂之蒲錯古今注曰莎雞一名絡緯謂其

鳴如紡緯也促織一名投機謂其聲如急織也
俗云絡緯雄鳴於上風雌鳴於下風而風化

增修埤雅廣要卷第二十二

品物門

蟲族類

蠶

蠶陽物也惡水食而不飲淮南子曰蠶食而不飲蟬飲而不食蜉蝣不食不飲再蠶謂之原蠶一名魏蠶今以晚葉養之先王之法禁焉淮南子曰原蠶再登非不利也然王者之法禁之爲其殘桑也鄭云蠶爲龍精月直大火則浴其種是蠶與馬同氣物莫能兩大禁原蠶者爲害馬

歟然則原蠶有禁非特欲以護桑又以害馬故也今蠶負馬迹亦其驗歟里俗謂之夏蠶亦曰熱蠶亦曰晚蠶自世衰道微先王之禁不行而民間一歲至有三蠶者矣是以桑弱而馬耗也蠶書曰飼蠶勿用雨露濕葉蓋蠶性惡濕故禮云桑于公桑風戾以食之也今俗飼蠶以葉洒之欲其勻厚故古者王親耕三推而止王后親蠶三洒而止舊云蠶之所吐爲忽十忽爲絲五絲爲緝音聶十絲爲升二十絲爲緘音域四十絲爲紀八十絲爲總詩曰素絲五緘又曰五總其絲

以漁蓋取諸離重門擊柝以待暴客蓋取諸豫
說者又以謂放蜘蛛而結網法螺蚌而閉戶則
古之知者創物其兼取博矣蓋昔者聖人之作
易也既曰仰觀於天俯察於地而又觀鳥獸之
文與地之宜則所謂取才於物雖非所以先者
然亦豈可少哉字說曰設一面之網物觸而後
誅之知誅義者也

蜈蚣

音尺
渥

蜈蚣屈伸蟲也一名蜈蚣音即又呼步屈方言
曰蜈蚣謂之蜈蚣賦曰龍伸蜈蚣屈蓋將以

求伸也易曰尺蠖之屈以求信也言以屈道致伸漢志曰尺者隻也蠖之義蓋取諸尺蚓之義蓋取諸引引者伸也隻於尺伸於引今人布指求尺一縮一伸如蠖之步謂之尺蠖豈放是乎亢桑子曰夫俗隨國政之方圓猶尺蠖之於葉也食黃則身黃食蒼則身倉蚋蠖似蠶食葉者亦吐絲作室舊說蚋蠖之繭化而爲蝶此猶蠨之變蛾爾賦曰蟭螟飛而生風蚋蠖動而成響言屋之空曠深靜易以生風荅響如此詩曰噲

音貴噲其正噦

音噦噦其冥是也

螳螂

螳螂有斧蟲也充人謂之拒斧其臂如斧奮之當轍不避莊子所謂猶螳螂之怒臂以當車轍者也一名不過以此爾雅曰不過螳螂其子蜋音蟬捕蟬而食執木葉以自蔽蟬將去而未飛爲之一前一却莊子曰螳螂執翳而搏之見得而忘其形蓋謂是也世云螳螂所執之翳可以蔽形類從曰螳螂之氣含之生火蚯蚓之塵背洒起霧未知其審月令曰螳螂生蓋是月升陰始起殺蟲應而生焉孫炎爾雅正義云螳螂

深秋孔子至夏之初廼生是也亦生百子如螽斯云

蜉蝣

蟲似天牛而小有甲角長三四寸黃黑色甲下有翅能飛燒而噉之美於蟬也翕然生覆水上尋死隨流梁宋之間曰渠略叢生鬱樓中朝生暮殞有蜉蝣之義故曰蜉蝣也詩曰蜉蝣掘閱麻衣如雪如雪以刺其奢而掘閱言掘土使解閱也管子曰掘閱得玉蓋言羔裘如膏則其好縈可知矣麻衣如雪則其好奢可知矣子曰麻

見禮也今也純儉夏小正曰蜉蝣有殷殷衆也
蜉蝣殷之時也言有有見也

蝻蟻

齊音因

爾雅曰蜎蜎蝻又曰蝻蟻蜎蓋蜎一名蝻蟻一
名蜎蜎蜎屈曲貌以形舉也方言曰關東謂之
蝻蟻梁益之間謂之蜎詩曰領如蝻蟻蓋蝻蟻
之體有豐繁且白者故詩以況莊姜之領七辯
曰蝻蟻之領阿那宜顧是也化書曰燥濕相育
不母而生蝻蟻此卽木中蠹蟲亦曰桑蠹故古
者譖從中起謂之蜎譖曹植籍田論曰昔三苗

共工謹兕非堯之蝎歟齊之諸田晉之六卿曾之三桓非諸侯之蝎歟

蠓

音蒙

小蟲似蚋

音銳

亂飛者也一名醯

音希

雞列子曰醯

雞生乎酒又曰食醯願輅生乎食醯黃軹食醯

願輅卽蠓是也孔子曰丘之於道也其猶醯雞

與微夫子之發吾覆也吾不知天地之大全制

字從蒙音謂之懵以此爾雅曰蠓蠓音蔑蠓孫炎

注云蠓蠓此蟲微細羣飛郭璞亦曰蠓飛磴

雷去

聲則天風春則天雨此言蠓蠓將風則旋飛如

磴一上一下如春則雨矣然其圖贊又曰風春
雨磴二說不同也

螟 音冥

食心曰螟食葉曰蟥音特食節曰賊食根曰蝻音牟

爾雅所謂食苗心螟食葉蟥食節賊食根蝻許

慎說文以爲吏冥冥犯法卽生螟乞貸則生蟥

抵冒取民財則生蝻然則靈芝朱草秬音鄙一

也秬音舉黑香谷也之鍾其美與螟蟥之鍾其惡雖不

同其繫王者之政一也淮南子曰枉法令卽多

蟲螟其以此乎蟥則蝗也蝗字從皇今其首腹

皆有王字未燭厥理也或曰蝗卽魚卵所化列
子曰魚卵之爲蟲蓋謂是也俗云春魚遺子如
粟埋於泥中明年水及故岸則皆化而爲魚如
遇旱乾水縮不及故岸則其子久閣爲日所暴
乃生飛蝗故詩曰衆維魚矣實維豐年說者以
爲陰陽和則魚衆多矣故豐年夢魚理或然也
詩曰去其螟螣及其蟊賊無害我田穉苗而未
秀爲穉韓詩曰穉幼稼也蓋蟊賊螟螣尤爲穉
禾之害字說云螻食苗葉無傷於實若螻可貸
也賊食苗節賊苗蝨食根如句所植螟食心不

可見

蟾

音唐

蟾一名蝦

音夏

其首方廣有冠夏小正曰蝦蟇者

五采具蟾蜍者蝦是也俗呼胡蟬似蟬而小鳴

聲清亮者江南謂之蟾蜍音梯詩曰如蜩如蟾如

沸如羹言天下謹

音慎也

譁沸騰不安如此此

序所謂無綱紀文章者也又曰菀彼柳斯鳴蜩

嘒嘒言蜩與柳異類今蜩託蔭其上鳴聲嘒嘒

則王之於已不如菀柳之餘亦芘其蜩也鄒陽

柳賦以爲蜩蟾屬響蜘蛛吐絲蓋蟬得美蔭則

其鳴聲尤清厲方言曰楚謂之蜎宋衛之間謂之蜎蜎陳鄭之間謂之蜎蜎按詩云如蜎如蜎則蜎與蜎異實非一物蓋蜎亦蟬之一種形大而黑昔人啖之禮有雀鷄蜎范是也一名蟬爲其變蛻而禪故曰蟬亦其通名蟬舍卑穢趨高繁其蟬足道也鹽鐵論曰以所不覩而不信若蟬不知雪也又況道常無所而不可覩者乎是故聞而不笑者寡矣故曰道無問無問問之是責空也舊說朽也腐木化爲蟬壤裙化爲蝶腐菌化爲蜂又曰蠶二十日而化蟬三十日而化

寒蜩

調音

寒蜩似蟬而小青赤一名蜺

倪吸二音

一名寒蟬蔡

邕月令云鳴則天涼故謂之寒蟬其生圻裂母

背故釋蟲云翦醜罅下音蓋蟬善飛翦故謂之翦

醜論衡曰蟬生於復育開背而出方言曰黑而

赤者謂之蜺又曰蟪音謂之寒蜩寒蜩瘖蜩郭

氏云按爾雅以蜺爲寒蜩月令亦曰寒蟬鳴則

知寒蜩非瘖者也寒蜩卽今啞蟬啞蟬初瘖及

得寒露冷風乃鳴故蒨蕤論云秋風至而寒蟬

吟正謂此也然則方言原其始故謂之瘖蟬今

雌蟬亦啞陶隱居所謂啞蟬雌蟬也不能鳴者
然與寒蜩初瘖又異矣又一種似蟬而小綠色
北人謂之螻音秦額廣且深卽詩所謂螻首蛾眉
是也

螻蛄

音惠姑

廣雅云螻蛄音勞

蛄音勞

蛄音勞

莊子曰朝菌不知晦朔

螻蛄不知春秋螻蛄夏蟬也是故不知春秋按

離騷曰螻蛄鳴兮啾啾歲暮兮不自聊則螻蛄

亦秋蟬矣一曰春生者死於夏夏生者死於秋

故曰不知春秋也方言曰齊謂之螻音奚螻音鹿楚

蠅卽此是也莊

者也按風

土記曰螻蛄鳴於朝寒蜚鳴於夕則寒蜚螻蛄

又爲兩物孔子曰違山十里蟪蛄之聲猶在

耳故政事莫如應之言政事惡譁而善肅以靜

應之而已。詹聖賦曰：蟻蟮行以其背，螻蛄鳴非

其口按山海經有飛鳥以其鬚飛

則覆載之間負類反倫何所一有可勝言哉

或音

蜮短狐也似鼈三足含水射人一日含沙射人

之影其瘡如疥稽聖賦所謂蛛音求旋於影蜮射

於光是也一名射工一名溪毒有長角橫在口

前如弩檐橫也臨其角端曲如上弩以氣爲矢因

水勢以射人故俗呼水弩春秋曰秋有蜚卽此

是也然畏鵝鵝能食之禽經所謂鵝飛則蜮沉

鵝鳴則蛇結詩曰爲鬼爲蜮則不可得言鬼無

形而蜮性陰害射人之影則皆莫可究矣五行

傳曰南越淫惑之氣生蜮蜮之猶言惑也字說

曰蜮不可得也故或之今蛛螻音搜溺人之影亦

是類爾造化權輿曰短狐蜮虫之別名也射氣蛛螻遺

溺中影則疾人氣數感之故也周官曰凡隙屋除其狸蟲麀音蛛蝥之屬蛛蝥言搜而去之也亦言求而去之也

伊威

音伊威

詩曰伊威在室伊威甕器底蟲形似白魚蠹虫名也

而大爾雅曰伊威委黍一名鼠婦食之令人善

淫術曰鼠婦淫婦是也亦曰鼠負陶隱居云鼠

在坎中背則負之今作鼠婦似屬乖理誤矣蓋

鼠婦一名鼠姑亦或謂之鼠粘鼠婦猶鼠姑也

鼠粘猶鼠負也因溼音化生今俗謂之溼生

蚯蚓

音丘引

考工記注云却行蟥

同蟥

屬蚓土精也其爲物不

息引而後伸

音

善緣蚓善引蛤介合蟬介解

蚓或從寅志曰引達於寅一名蜿蟺一名曲蟺

一名土龍善長吟於地中江東謂之歌女亦曰

鳴砌孟子曰若仲子者蚓而後充其操者也言

若仲子之操則蚓而後可不可以入仁義之域

月令云蚯蚓結言蚯蚓穴居首陽下嚮陽動則

穴而上首故其身結而屈也傳曰魚無耳蟬無

口蛇無足蚓無筋舊說蚯蚓土精無心之蟲與

阜螽音終交有一種白項是其老者也

果羸方果切

卽今細腰土蠹好禁蜘蛛說文云天地之性細腰純雄無子列子曰純雄其名稱蜂蓋其類也捷也切泥作房如併竹管取桑蟲負之七日而化爲子其祝聲可聽法言曰祝之曰類我蓋其音云也莊子曰細腰者化今呼大蠹啖子地中作房者亦曰土蠹非此細腰土蠹也果羸一名螻音翁一名蒲盧中庸曰政也者蒲盧也化書曰嬰兒似乳母斯不遠矣

螻蛄

音婁姑

螻蛄臭蟲一名螻

音解

一名天螻夏小正曰螻則

鳴螻天螻也孫炎爾雅正義以爲螻是雄者喜

鳴善飛雌者腹大羽小不能飛翔食風與土要

以前甚澁要以後甚利類從曰磨鐵致蛄汗羈

音引兔振灰除蠹蛤陽去伏言物之相關感有

如此者法言曰狐狸螻蛄不腰臘

音祭名

也與言

若牛羊之用人則螻蛄不腰狐狸不臘矣方言

云螻蛄

音姪

謂之螻蛄周官曰馬黑脊而般臂螻蛄

先儒云螻蛄臭也傳所謂腥螻而不可饗膻惡

而不可親蓋出於此一日螻宜讀如螻蟻之螻
呂子曰流水不腐戶樞不蠹蟻者蟻也醫經以
爲狐貍螻蟻之餘勿食食之令人生瘻豈近是
乎廣志小學篇曰螻蛄會稽謂之蝟蛄

蜻蛉

音青

蜻蛉飲露六足四翼其翅輕薄如蟬晝取蚊蚋
食之遇雨卽多好集水上欸飛尾端亭午則亭
名之曰蜻以此字或作蜓廷亦直也一名蜻蛉
方言曰蜻蛉謂之螂蛉淮南又呼螻音康螂亦曰
螻音忽也造化權輿曰水蠱爲螻字說云蛉蜻蜓

也動止常廷故又謂之蛉令出於廷者也古今
註曰蜻蛉一曰青亭色青而大者是也賦云塗
青蚨而還錢埋蜻蛉而變珠說者以爲五月五
日取其首正中門埋之皆成青珠故類從曰責
蛉之首瘞音意埋也而爲珠也

蚊

說文云齧人飛蟲從𧈧音昆民聲亦或從昏以昏
時出也俗云蚊有昏市蓋蠅成市於朝蚊成市
於暮傳曰聚蠅成雷謂其市之時也蠅民蟲蚩
毗蟲田牧者病焉一曰蚩盲故謂之蚩楊子或

問貨殖曰蚊蓋蚊之取利雖小然而善撓令人
通夕不寐故雄以此託況說文曰秦晉謂之螞
楚謂之蚊蓋螞喜亂飛似蚊而小望之如霧荀
子所謂醯醢而螞聚者也因雨而生與蚊實異
一名螞茂音列子曰螞生乎腐蠃蠃卽黃
甲小蟲一名輿父一名守瓜爾雅云蠃輿父守
瓜鴈冠子曰一螞音膚不寐至旦半糠入目
四方弗治言物苟爲害不必在大蓋亦不在多
也蚊性惡烟以艾熏之則潰長喙如針善螫

說文曰鼠穴蟲之總名也象形行露之詩一章
曰誰謂雀無角二章曰誰謂鼠無牙說者以爲
雀角以無爲有鼠牙似是而非按雀角鼠牙皆
言以無爲有似之而非也蓋雀有味音書而無
角鼠有齒而無牙傳曰不思物變而推其類雀
之穿屋似有角者又曰視墉音之穿推其類可
謂鼠有牙明鼠無牙者也夫雀之爲物依人又
晝動而無角在其首且所穿者屋事之易察也
鼠之爲物畏人又夜動而無牙在其口且所穿
者墉事之難知也召南之初事之易察者至於

獄而後明及其久也衰亂之俗已微真信之教
已興則雖事之難知者不待獄而明矣故於雀
言獄鼠言訟也鼠一名鼯音迫南陽呼鼠爲鼯廣
雅曰鼯鼠是也今一種鼠見人則交其前足而
拱謂之禮鼠亦或謂之拱鼠詩曰相鼠有體人
而無禮其或取諸此乎傳曰窮鼠齧狸蓋鼠窮
則鬪也故兵法曰歸師勿遏圍師必闕鼯鼠有
螫毒者甘口齧人及鳥獸皆不痛春秋所書食
郊牛之角者也博物志云鼠之最下者或云甘
鼠是也莊子曰載鼯以車馬樂鵠音晏以鐘鼓鼯

小鼠也鵯小雀也傳曰稷蜂不熏社鼯不灌蓋其所託有如此者鼯音石鼠兔首似鼠而大能人立交前兩足而舞害稼者一名雀鼠廣雅曰鼯音酌鼠鼯鼠是也易曰晉如鼯鼠蓋晉進也順而麗乎大明柔進而上行今九以剛進處四失順而又麗乎陰則拂晉之道矣故曰進如鼯鼠無所守焉貪而畏人又比乎陰九四之象也碩大也詩序所謂貪而畏人若大鼠也且五之所以蕃錫而康四之所以貪竊而懼者亦豈有他哉五以柔進順而麗乎明四以剛進悖而麗乎暗

故也鼯音鼠健於捕鼠似貂赤黃色大尾今俗

謂之鼠狼廣雅曰鼠狼鼯是也一名鼯音生莊子

所謂騏驥驊騮捕鼠不如狸狌同狸今栗鼠似之

蒼黑而小取其毫於尾可以製筆世所謂鼠鬚

栗尾者也其鋒乃健於兔栗鼠若今竹鼯音留之

類蓋鼠食竹故曰竹鼯燕山錄曰煮羊以鼯煮

鼯以蚊言其性類相感省火易熟有如此者鼯

鼠一名鼯音精鼯音助一名鼯音從鼯似鼠而小東方

朔曰譬猶鼯鼯之襲狗者也鼯音吾鼠爾雅所謂

鼯鼠夷由狀如小狐肉翅翅尾項脅毛皆紫赤

色脚短爪長飛且乳者亦或謂之飛生或曰一
名飛蠮其狀如兔而鼠首以其髯飛性食火烟
能從高赴下不能從下升高禽經曰鵯音鳥不
登山鵯鳥不踏土鵯鳥不能從下上高然則鵯
之制字從高鵯之從夷其義可知也荀子曰鼯
鼠五技而窮卽此是也馬融曰猿音雖音晝吟鼯
鼠夜叫舊說鼠性疑出穴多不果故持兩端謂
之首鼠韓子曰狐鼠進退又鼠類最壽俗謂之
老鼠是也若老鸛老鴟老鳥之類以老稱亦如
此爾雅曰東方有比目魚焉不比不行其名謂

之鰈

音鰈

南方有比翼鳥焉不比不飛其名謂之

鵽

音鵽

西方有比肩獸焉與邛邛距虛比爲邛

邛

音邛

距虛齧甘草邛有難邛邛距虛負而走其名

謂之鰈

音鰈

北方有比肩民焉迭食而迭望中有

枳首蛇焉此四方中國之異氣也按鰈鼠前而

兔後趨則頓走則頓今契丹北境有跳兔前足

音兔

纔寸許後足幾一尺行則用足跳一躍數尺止

則蹶然仆地卽所謂鰈又有鳥鼠同穴者與鳥

音鼠

爲雌雄似鼠而短尾鼠在內鳥在外杜甫詩曰

水落魚龍夜山空鳥鼠秋魚龍水名鳥鼠山名

音鼠

音鼠

音鼠

音鼠

亦鳥鼠秋而魚龍夜是詩兩句而含三事也

易

說文曰蜥

音昔

易蜺

音匣

蜺

音殄

守宮也象形博物志

云以朱飼之其體盡赤擣之萬杵以點女人終

身不滅如赤痣偶則落故曰守宮也周易之義

疑出於此取其陰陽構合而易一曰蜥易日十

二時變色故曰易也舊說蜥易嘔電蓋龍善變

蜥易善易故乾以龍况爻其書謂之易爻者言

乎其變也象之義出於象象之義出於彖易之

義出於易皆取諸物也周官大卜掌三易之法

夏曰連山殷曰歸藏周曰周易連山始於艮故
曰連山易曰兼山艮是也先儒以爲象雲氣之
出於山連連不絕者歟歸藏始於坤故曰歸藏
周易始於乾故曰周易乾始萬物坤終萬物艮
者終始萬物故三代之易各首一焉易曰終萬
物始萬物者莫盛乎艮蜥易一名蛇醫字林所
謂蝮音榮蝮音原蛇醫是也舊說蛇體有傷此輒銜
草傳之故有醫之號也東方朔曰是非守宮則
蜥蜴如此守宮乃蠃蜒也今俗謂之蠃音歌虎喜
緣籬壁者是按爾雅云蝮蝮蜥易蜥易蠃蜒蠃

蜥守宮本草亦曰一名蜥蜴一名守宮則蝾螈

蜥蜴蝾螈守宮異名而通者也方言曰守宮秦

晉西夏謂之守宮或謂之蠧音廬蠧音廬或謂之刺

易其在澤中者謂之易蜥南楚謂之蛇醫或謂

之蝾螈東齊海岱之間謂之號音蜥號音蜥北燕謂

之祝蜥考工記注云脰音豆鳴音龜屬注鳴精

列屬旁鳴蜥蜴屬翼鳴發皇屬股鳴蚣音松蚣音松

也屬胃鳴榮原屬馬融周官作以胃鳴于寶周

官作以骨鳴說者以爲三字相近雖容有誤而

馬鄭與干皆前世名儒或所授師說不同按說

耳佳音上卷三十三

文螭

音詩

大龜也以胃鳴者則馬本作以胃鳴當

謂螭屬三教殊英云守宮鱗色如蛇而四足亦

與魚合

增附

蚨

說文青蚨水蟲可還錢從虫夫聲搜神記青蚨
虫如蟬殺其母子各塗八十一錢凡市物或先
用子先用母皆飛歸循環無已故淮南子名錢
曰青蚨

螟蠕辯

說文螟蠕桑蟲也通作蛉詩小宛螟蛉有子果
羸負之毛云螟蛉桑蟲也蜾蠃蒲盧也鄭云蒲
盧取桑之子負持而去煦嫗養之以成其子詩
話曰詩人言細腰物無雌皆取青蟲教祝變成
已子斯爲謬矣今細腰蜂在處有之每破其房
或見其卵與他蟲同處其中或見其子已去而
它蟲只存空殼者或見他蟲之成蛹者蓋蠛蠓
生子如小粟米寄著他蟲之身而他蟲不壞至
變成蛹其子出而食之蛹盡而子去要是說詩
者誤以教誨爾子式穀似之爲如似之似不知

似續之似遂至附會成此曲說也又曰螺贏自
有細卵如粟寄螟蛉之身以養之其螟蛉不生
不死蠢然在穴中久則螟蛉盡枯日益長大乃
爲螺贏之形穴竅而出其取小蜘蛛置穴中亦
然正如蒼蠅亦寄卵於蠶之身久之其卵爲蠅
穴繭而出殆物類之相似者列子謂純雄其名
稗蜂莊子謂細腰者化說文云細腰純雄至楊
雄又有類我類我久則肖之之說蓋自莊列以
來已失之矣

蟬

衣書中白魚俗呼蠹魚壁魚

蠹

毒蟲江南舊無蠹開元初一主簿竹筒盛過江
始有之俗呼主簿虫雜類韓照壁喜見蠹蠹亦
作蝓東坡云退之以磨蝓爲身宮僕以爲命宮
平生得謗譽皆以此磨蝓丑宮也又黃靖國死
見冥中治武后獄以大甕貯萬蠹螯之

蟾

視占切

爾雅蟾蜍似蝦蟇嫦娥奔月是爲蟾蜍有姓劉
人生吞一白蟾昏悶旬餘抱朴子蟾蜍午日陰

乾帶之可辟兵白蟾熟啖皆非類說

蛇

蛇水蟲一名蠚水母也形如羊胃其爲物也無目以蝦爲目蝦食其涎見人則躍水母因蝦躍則知有警故隨亦沉以避患也爾雅翼云鮓魚又名樗蒲魚浙通呼蝦蛇又名海輶生東海其浮也濛濛如沫又如凝血方圓縱廣數尺生氣物也有知識無腹臟今人所謂醉如泥者其亦蛇字之誤也歟

蝙蝠

蝙蝠飛鼠也遇庚申則伏而不出與燕爭晝夜
不決往問鳳凰鳳凰方睡乃往投訓狐小說

蝌蚪

蝌蚪蟲名爾雅謂之活東亦云活卽師一名懸
針又名玄魚璞云蝦蟇曳腸水際草上纏綴如
索日見黑點漸深至春水時鳴以聒之則蝌蚪
皆出謂之聒子古謂鵲影抱蝦蟇聲抱蓋謂此
也其頭圓其色黑始出則有尾無足稍大則足
生尾脫月大則生前兩足月小則生後兩足併
頭尾言之狀如斗也故謂蝌蚪通作斗古科斗

文取象於此字源云庖犧氏獲景龍作龍書炎
帝因嘉禾作穗書蒼頡變古文作鳥跡篆少昊
作鸞鳳書高陽作科斗書

水馬

東坡二蟲詩云君不見水馬兒步步逆流水大
江東流日千里此虫趯趯長在此又不見鷄濫
堆決起隨衝風隨風一去宿何許逆風還落蓬
蒿中二蟲愚智俱莫測江邊一笑無人識

增修埤雅廣要卷第二十二